



天地先生曰萬般作用盡狂圖獨有金丹可
入壺識得不空無有理修真方不費工夫
吳生東地天

上陽子金丹大要圖

上陽子金丹大要列仙誌

夫四

東華帝君

紫霄峰宮上陽子觀音陳叔庄撰

姓王不知其世代名號或云名玄甫得老子之道後隱崑崙山復居玉臺山紫府洞

天自稱少陽君於終南山凝陽洞以道授鍾離正陽六月十五日生十月十六日上昇

昇

正陽帝君

姓鍾離名權字雲房號正陽子京兆咸陽

人仕漢為將軍因兵失利入終南山遇少陽君授以至道隱晉州羊角山道成天封號太極左宮真人乃束雙髮衣樹葉自稱天下都散漢有詩行世後於澧水以道授純陽四月十五日生五月十八日上昇

純陽帝君

姓呂名巖字洞賓號純陽子祖居西京河南府滿柘縣永樂鎮招賢里今曰蒲州坂縣生於天寶十四年乙未四月十四日巳時一云生唐德宗貞元丙子從父海州判

史因家焉以科舉授江州德化令因縱步廬山遊澧水之上遇正陽授道至今在世

天帝頒詔為九天採訪使五月二十日奉詔詩云糾司天上神仙籍之句世就此日為上昇有詩詞名澤成集行于世以道授海蟾重陽四月十四日生五月二十日上昇

姓劉名操字宗成號海蟾子又改名玄英燕山人仕遼登宰相因遇純陽即辭相印

海蟾帝君

伴狂遠遊於秦州純陽授以丹道乃作詩云拋離火院三千口屏去門兵百萬家後道成遁跡於終南太華之間以金丹授董凝陽張紫陽十二月十四日生六月十五日上昇

重陽帝君

姓王名中孚字允卿入揚名世雄字德威後入道改名壽字知明號重陽子咸陽大魏村人也生宋徽宗政和二年壬辰十二月二十二日於終南縣甘河鎮遇純陽授

口訣有詩四十八上始遭逢之句明年庚辰醴泉再遇復得金丹之道乃作穴居修行名活死人墓又與和玉擔李靈陽結卷而坐初有史處厚劉通微嚴處常相繼受道後焚其卷東出關抵寧海州以金丹之道授與丹陽又授丘長春譚長真孫不二王玉陽劉長生郝太古乃以純陽所授秘訣五篇盡付七人有全真前後集韜光集雲中集分梨十化說行于世十二月二十二日生正月初四日上昇

丹陽真君

姓馬名鈺字玄寶號丹陽子先名從義字宜甫寧海州人生金太宗天會元年癸卯即宋徽宗宣和五年也五月二十日生家富號馬半州娶孫氏生三子曰庭珪庭瑞庭珪大定七年丁亥重陽至因食瓜從帶起師恠而詢之重陽曰香從是內出甜向苦中來復叩云何名道重陽曰五行不到處父母未生前乃請歸家師之戊子歲以家事付三子而出家重陽以所得純陽金

丹秘訣五篇授之并口指其訣遂項三鬢而修行成道因分梨十化多受辛苦時求道者有李大乘趙蓬萊韓清甫等唯宋披雲得師金丹之旨乃先成道有金玉集漸悟集行化集成道集圓成集精微集及語錄一皆行于世七真之內皆多師也五月二十日生十二月二十二日上昇

長真真君

姓譚名處端字正號長真子寧海州人初名玉字伯玉生金太宗元年癸卯三月初一日中年患風痺師事重陽每旦重陽以盥餘令以洗面久而疾愈乃授以道以宿業重因遇醉徒毆擊折齒流血師皆不問丹陽聞曰一拳消盡多生業道成有詩後句云湧出陽神獨自歸書畢而逝異香滿室者數日有水雲集行於世三月初一日生四月初一日上昇

長生真君

姓劉名處玄字通妙號長生子東萊武官莊人生金熙宗皇統七年丁卯即宋高宗

紹興十七年也七月十二日生大定九年即宋孝宗乾道五年師重陽道成於宋寧宗癸亥嘉泰三年二月初六鳴鼓集衆曲肱而逝有仙樂太虛盤陽同慶安閣修真文集六及道德註陰符演黃庭述留世七月十二日生二月初六日上昇

長春真君

姓丘名處機字通密號長春子登州棲霞縣濱都人生金熙宗皇統八年戊辰即宋高宗紹興十八年正月十九日生二十歲師重陽二十七歲乃入磻溪穴居修行三十三歲復居隴州龍門山苦行如磻溪時道成之後四十二歲赴金世宗召館六十二歲齊魯入于宋寧宗召師不赴六十五歲成吉思皇帝召見詳見慶會錄對策禳灾救旱等事為元朝功臣有磻溪鳴道文集二西遊記行于世丁亥歲七月初九日師升堂示衆以生死事留頌坐化正月十九日生七月初九日上昇

玉陽真君

姓王名處一字玉陽號舍陽子寧海東車
 人生金皇統二年壬戌三月十八日師重
 陽受道苦雲光洞志行唯苦道成大著神
 異度人逐鬼踏盜碎石出神入夢召雨撼
 峯亦難降鶴起死嗟枯金世宗聞其名召
 對大副宸衷嫉者飲之鳩師歸入水水涸
 而不死有雲光集顯異錄行于世三月十
 八日生四月二十二日上昇

廣寧真人

姓郝名大通字太古號廣寧子寧海人生
 金熙宗天眷三年庚申正月初三日巨富
 師事重陽初名瑋號恬然子雖入道而志
 不苦勸長真玉陽勸激之至岐山遇神人
 與金丹口訣為改今名號遂遊趙魏間修
 行道成留頌而逝有太古集心經救苦經
 解大易圖及示教直言行世正月初三日
 生十二月三十日上昇

清靜元君

姓孫名不二號清靜散人寧海人也生宋
 徽宗宣和元年己亥正月初五日父孫忠

顯俾適州之馬宜甫生三子重陽主以分
 梨十化宜甫夫婦仙姑出家學道居洛陽
 風仙洞修行夫婦每自相激勵俱成道有
 詩詞行世正月初五日生十二月二十九
 日上昇

黃房公

姓宋名有道字德方號黃房公汙陽府人
 氏行諸階法無雲則能以符而興雲有雲
 則能披雲而見斗故時號披雲真人一日
 遇丹陽授以金丹火候秘訣行之兩年能
 貳其身弗死因遊東海適皇元太祖成吉
 思皇帝召長春丘師叔時公與十八人為
 之輔行之首世祖皇帝封通玄弘教披雲
 真人武宗皇帝加封玄通至道崇文明化
 大真人後以至道授太虛李真人而黃房
 公莫知所終或云在燕之長春坐逝
 太虛真人

姓李名珏字雙玉蜀之崇慶府人既得黃
 房公金丹之道改名極真號太虛即往邵
 武之武夷潛修金丹七閱月而道將成乃

回途道經龍虎先夕寧壇有夢真人至者
 時父早祈禱弗應次日真人果至眾皆弗
 知唯夢者見一貧道人來曰是此人也眾
 請祈兩應時霧霈而去至真州玉虛巷結
 圓而坐後出圓以道授張紫瓊既囑曰金
 丹宜潛修大道當授人後云入青城莫知
 所終正月初十日生八月十五日成道

紫瓊真人

姓張名模字君範饒州德興人也後聞道
 改名道心初太虛真人偶寓安仁熙春宮
 紫瓊求授金丹太虛弗與繼而適市因見
 施丐錢三十文乃曰可授已遂以金丹之
 道付之次年復會真州始全火候紫瓊既
 聞真要後以至道授于緣督趙公乃即隱
 去十月初二日生十二月二十五日成道

緣督真人

姓趙諱友欽字緣督饒郡人也為趙宗子
 幼遭劫火蚤有山林之趣極聰敏天文經
 緯地理術數莫不精通及得紫瓊師授以
 金丹大道乃搜羣書經傳作三教一家之

又名之曰仙佛同源又作金丹難問等書
行於世已已之秋寓衡陽以金丹妙道悉
付上陽子六月十八日生

上陽子金丹大要列仙誌

上陽子金丹大要仙派

夫五

仙派

紫霄降旨上陽子觀吾陳致虛撰

太極先天老子

妙無天帝太極之初出生三炁為玄元始

始炁化生先天老子自爾以來先天老子

乃以玄炁時時而下生

萬法天師

有古大先生

鬱華子

大成子

廣成子

隨應子

赤精子

鍊圓子

務成子

尹壽子

真行子

錫則子

古邑先生

錢鏗

商容

先天老子雖世世化度而未顯誕生之迹

乃於商十八王陽甲時寄胎于玄妙玉女

身中八十八年方生武丁庚辰歲二月十

五日卯時降誕指李為姓也

後聖玄元太上老子

東華紫府輔元立極大帝

正陽開悟傳道帝君鍾離權

純陽警化孚佑帝君呂巖

海蟾弘道純佑帝君劉操

靈陽全真開化帝君王壽

丹陽抱一無為真君馬鈺

長真雲水蘊德真君譚處端

長春演道主教真君丘處機

廣寧通玄太古真君郝大通

玉陽體玄廣度真君王處一

清淨淵貞順德真君孫不二

黃房公披雲德光真人宋有道

太虛栖真雙玉真人李珣

祖師紫瓊子張模字君範

緣 督子 趙友欽

上 陽子 陳致虛